

KERTAS MODEL UPSR 1

PEMAHAMAN [011]

Satu jam lima belas minit

1. Kertas peperiksaan ini mengandungi dua bahagian: **Bahagian A** dan **Bahagian B**.
2. Kamu dikehendaki menjawab **semua** soalan dalam kedua-dua bahagian ini.
3. Bagi **Bahagian A**, setiap soalan diikuti oleh empat pilihan jawapan, iaitu **A, B, C** dan **D**. Bagi setiap soalan, pilih **satu** jawapan sahaja.
4. Bagi **Bahagian B**, jawab **semua** soalan dalam ruang jawapan yang disediakan.

Bahagian A [20 markah]

Soalan 1 hingga 8

Isi tempat kosong dengan jawapan yang paling sesuai.

- 1 "Bilakah _____ akan menjalani latihan bola sepak?" tanya Aiman kepada rakan sepasukannya.
 A kita C kami
 B anda D kalian
- 2 "Kamu pasti _____ menjawab semua soalan jika kamu mengulang kaji pelajaran dengan tekunnya," kata Cikgu Amri kepada murid-muridnya.
 A pernah C sedang
 B dapat D baru
- 3 Mak Munah asyik berbual dengan jirannya hingga _____ nasi yang dimasaknya di atas dapur.
 A tengik C hangit
 B lemau D hangus
- 4 "Pengawal, izinkan _____ masuk menghadap _____ sultan untuk melaporkan kes kecurian di pelabuhan Melaka," kata Temenggung kepada pengawal istana.
 A patik ... baginda
 B hamba ... baginda
 C patik ... tuan hamba
 D hamba ... tuan hamba
- 5

Bendahara: Baginda akan _____ untuk menyampaikan bantuan makanan kepada rakyat jelata di balairung istana pada pagi esok. Laksamana: Baiklah, akan hamba uruskan segala persiapan dengan segera.

 A menerima menghadap
 B menjunjung titah
 C merafak sembah
 D mencemar duli

Soalan 6 berdasarkan gambar di bawah ini.



- 6 Bulu tangkis yang dipukul oleh Malek jatuh di penjuru _____.
 A jejari
 B kekuda
 C tetulang
 D gelanggang
- 7 Sebagai tetamu, kita perlu menjaga _____ ketika menghadiri sesuatu majlis untuk menjamin kelancaran majlis tersebut.
 A tatasusila
 B tatatertib
 C tatakerja
 D tatacara
- 8 Nasrul _____ idea untuk menyiapkan karangan yang diberikan oleh guru Bahasa Melayunya.
 A kekeliruan
 B kebuntuan
 C keberatan
 D kepekaan

- 9 Pilih simpulan bahasa yang sesuai bagi mengisi tempat kosong.
- Beliaulah yang menjadi _____ dalam projek khidmat masyarakat itu.
- A ulat buku
B puteri lilin
C telinga lintah
D tulang belakang
- 10 Pak Tahir bekerja keras untuk menanggung kos pengajian anaknya di universiti.
- Pilih perkataan sinonim bagi menanggung.
- A mengatasi
B membiayai
C memenuhi
D merangkumi
- 11 Pilih ayat-ayat yang menggunakan perkataan bergaris dengan betul.
- I Nadia dan adik-adiknya tinggal di rumah Nek Semah sejak ibu bapa mereka meninggal dunia.
II Duit simpanannya di dalam bank tinggal tiga ratus ringgit sahaja.
III Murid-murid yang tinggal dalam pelajaran mudah terlibat dengan masalah sosial.
IV Permainan tradisional ialah warisan budaya tinggal nenek moyang kita.
- A I dan II
B II dan III
C I dan IV
D III dan IV
- 12 Pilih ayat tanya yang sesuai bagi jawapan yang diberikan.
- Pembinaan bangunan tambahan sekolah itu diminta oleh penduduk supaya dicepatkan kerana bilangan murid yang semakin bertambah.
- A Siapakah yang meminta pembinaan bangunan tambahan sekolah itu?
B Mengapakah pembinaan bangunan tambahan sekolah itu perlu dicepatkan?
C Bilakah penduduk meminta pembinaan bangunan tambahan sekolah itu dicepatkan?
D Bagaimanakah pembinaan bangunan tambahan sekolah itu dapat menampung bilangan murid yang semakin bertambah?
- 13 Pilih jawapan yang sesuai bagi ayat tanya yang diberikan.
- Berapakah jumlah murid yang menyertai Kem Motivasi anjuran Persatuan Ibu Bapa dan Guru?
- A Saya menyertai Kem Motivasi itu juga.
B Saya tidak pasti bilangan murid yang menyertainya.
C Kem Motivasi itu dianjurkan Persatuan Ibu Bapa dan Guru.
D Persatuan Ibu Bapa dan Guru yang menganjurkan Kem Motivasi itu.
- 14 Pilih ayat yang sama maksud dengan ayat yang diberikan.
- Pihak berkuasa tempatan akan mengambil tindakan terhadap pemilik gerai yang tidak mematuhi undang-undang.
- A Pemilik gerai akan dikenakan tindakan oleh pihak berkuasa tempatan.
B Pihak berkuasa tempatan akan dikenakan tindakan kerana tidak mematuhi undang-undang.
C Pemilik gerai yang tidak mematuhi undang-undang akan dikenakan tindakan oleh pihak berkuasa tempatan.
D Tindakan akan dikenakan kepada pihak berkuasa yang membiarkan pemilik gerai tidak mematuhi undang-undang.

Soalan 15

Pilih ayat yang betul.

- 15 I Murid-murid di pusat sumber mengulang kaji pelajaran dengan tekunnya.
II Selepas makan dan membaca buku, Aidil terus bermain pada padang.
III Kita mestilah amanah oleh tanggungjawab yang diberikan kepada kita.
IV Adik Ijan memberikan lobak kepada arnab peliharaannya.
- A I dan II
B II dan III
C I dan IV
D III dan IV

Soalan 16 hingga 20

Baca petikan di bawah ini, kemudian jawab soalan-soalan yang berikutnya.

Pada cuti sekolah yang lalu, Shahril telah menghadiri ceramah yang bertajuk “Gangguan Emosi dalam Kalangan Murid” di Dewan Utama 1, Kuala Ketil, Kedah. Penceramah yang diundang khas pada hari itu ialah Doktor Khalid bin Mahmud, iaitu seorang doktor pakar dari Sungai Petani.

Dalam ceramah itu, Doktor Khalid telah memberikan beberapa sebab emosi murid-murid terganggu. Antaranya termasuklah dibuli oleh kawan. Murid yang sering disuruh melakukan sesuatu oleh kawan tanpa kerelaannya akan menyebabkan emosinya terganggu.

Menurut Doktor Khalid lagi, bilik bacaan yang berselerak dapat *mengganggu emosi* murid-murid juga. Bilik yang tidak kemas akan menyebabkan murid-murid berasa tidak tenteram semasa belajar. Oleh itu, mereka sukar memahami topik yang dibaca.

Selain itu, Doktor Khalid turut memberikan maklumat tentang kesan sekiranya emosi murid terganggu. Antaranya termasuklah murid akan berasa bosan. Hal ini akan menyebabkan murid itu tidak suka bergaul dengan kawan-kawan. Mereka lebih suka menyendiri.

Di samping itu, gangguan emosi akan menyebabkan murid-murid cepat marah juga. Akibatnya, mereka tidak dapat berfikir dengan warasnya. Oleh itu, hasil kerja yang dibuat oleh mereka tidak akan memuaskan.

Sebelum mengakhiri ceramahnya, Doktor Khalid meminta murid-murid supaya sentiasa bersikap rasional ketika melakukan sesuatu perkara.

- | | |
|---|--|
| <p>16 Doktor Khalid bin Mahmud ialah</p> <p>A seorang penceramah bebas.</p> <p>B seorang doktor dari Kuala Ketil.</p> <p>C seorang doktor pakar dari Sungai Petani.</p> <p>D seorang peserta yang mendengar ceramah tentang gangguan emosi dalam kalangan murid.</p> <p>17 Pelbagai kesan dialami oleh murid-murid jika emosi mereka terganggu kecuali</p> <p>A mereka akan berasa bosan.</p> <p>B mereka tidak suka bergaul dengan kawan-kawan.</p> <p>C mereka lebih suka menyendiri.</p> <p>D mereka dapat berfikir dengan warasnya.</p> <p>18 Apabila seseorang murid berasa marah dan tidak berfikir secara waras,</p> <p>A dia lebih gemar menyendiri.</p> <p>B hasil kerjanya tidak akan memuaskan.</p> | <p>C rakan yang lain lebih suka membulinya.</p> <p>D rakan-rakan tidak suka bergaul dengannya.</p> <p>19 Pilih pernyataan yang benar tentang punca gangguan emosi dalam kalangan murid.</p> <p>A Murid sering membantu kawan-kawan.</p> <p>B Keadaan bilik bacaan yang tidak kemas.</p> <p>C Murid memahami topik yang dipelajari di sekolah.</p> <p>D Hasil kerja yang dibuat oleh murid tidak disukai kawan-kawan.</p> <p>20 Rangkai kata <i>mengganggu emosi</i> dalam petikan bermaksud</p> <p>A menarik perhatian.</p> <p>B mengusik perasaan.</p> <p>C menghalang pandangan.</p> <p>D merosakkan fikiran.</p> |
|---|--|

BAHAGIAN A TAMAT

KERTAS MODEL UPSR 2

PEMAHAMAN [011]

Satu jam lima belas menit

1. Kertas peperiksaan ini mengandungi **dua** bahagian: **Bahagian A** dan **Bahagian B**.
2. Kamu dikehendaki menjawab **semua** soalan dalam kedua-dua bahagian ini.
3. Bagi **Bahagian A**, setiap soalan diikuti oleh **empat** pilihan jawapan, iaitu **A, B, C** dan **D**. Bagi setiap soalan, pilih **satu** jawapan sahaja.
4. Bagi **Bahagian B**, jawab **semua** soalan dalam ruang jawapan yang disediakan.

Bahagian A

[20 markah]

Soalan 1 hingga 8

Isi tempat kosong dengan jawapan yang **paling** sesuai.

- 1 Semua mangsa banjir di Kampung Manek Urai bersyukur kerana _____ menerima pelbagai bantuan daripada kerajaan.
A dia C kami
B kita D mereka
- 2 Hezri _____ memperuntukkan masa selama 20 minit untuk bersenam pada setiap hari.
A akan C pernah
B dapat D sedang
- 3 Air Sungai Senangin sangat _____ dan berlumpur kerana pada malam tadi hujan turut dengan lebatnya.
A cetek
B keruh
C tenang
D banyak
- 4 "Titah _____ akan _____ laksanakan dengan segera," kata Laksamana kepada Sultan Muzaffar Syah.
A tuanku ... beta
B tuanku ... patik
C baginda ... hamba
D tuan hamba ... hamba
- 5 Laksamana: Eloklah tuan hamba menghadap baginda pada esok hari kerana baginda sedang _____ di kamar diraja.
Temenggung: Baiklah, hamba menurut kata tuan hamba.
- A berada
B bersiram
C bersantap
D bersemayam
- 6 Tokoh korporat yang terkenal di negara kita itu sedang _____ oleh sekumpulan wartawan.
A ditemu duga
B disoal siasat
C ditemu bual
D diuji kaji
- 7 Karnival keusahawanan yang berlangsung di ibu kota itu dihadiri oleh para _____ muda dari seluruh negara.
A karyawan
B wartawan
C usahawan
D bangsawan
- Soalan 8 berdasarkan gambar di bawah ini.**
- 
- 8 Kak Siti _____ beg pakaiannya sewaktu mengharungi banjir.
A mengelek
B menjinjing
C menjunjung
D mengendong



- 9 Pilih **simpulan bahasa** yang sesuai bagi mengisi tempat kosong.
- "Nampaknya kita terpaksa _____ kerana bekalan makanan kita semakin berkurang," kata Fahmi kepada rakan-rakannya.
- A ikat perut
B alas perut
C makan hati
D makan diri
- 10 Mereka mengutip derma untuk membantu mangsa-mangsa tragedi tanah runtuh itu.
- Pilih **perkataan sinonim** bagi mengutip.
- A mencari
B mengaut
C memungut
D mengambil
- 11 Pilih ayat-ayat yang menggunakan **perkataan bergaris** dengan betul.
- I Hubungan persahabatan mereka menjadi berat sejak kejadian tempoh hari.
II Penderitaan itu terlalu berat untuk ditanggung oleh Hanim dan keluarganya.
III Pemuda yang berbadan sasa itu dapat mengangkat kotak yang berat itu dengan mudahnya.
IV Beberapa soalan yang diuji dalam pertandingan teka silang kata itu amat berat hingga tidak dapat dijawab oleh para peserta.
- A I dan II
B II dan III
C I dan IV
D III dan IV
- 12 Pilih **ayat tanya** yang sesuai bagi jawapan yang diberikan.
- Perpustakaan awam perlu dimanfaatkan terutamanya dalam kalangan remaja untuk melahirkan generasi yang berilmu.
- A Siapakah yang akan bertanggungjawab untuk melahirkan generasi yang berilmu?
B Mengapakah perpustakaan awam perlu dimanfaatkan terutamanya dalam kalangan remaja?
C Bilakah generasi yang berilmu perlu memanfaatkan perpustakaan awam?
D Bagaimanakah perpustakaan awam dapat dimanfaatkan oleh golongan remaja?
- 13 Pilih **jawapan** yang sesuai bagi ayat tanya yang diberikan.
- Apakah tindakan yang diambil oleh penduduk Taman Cempaka untuk mengatasi kes kecurian di kawasan kediaman mereka?
- A Kes kecurian itu berlaku di sekitar kawasan Taman Cempaka.
B Mereka berkawal pada waktu malam untuk mengelakkan kejadian itu terus berlaku.
C Penduduk Taman Cempaka telah mengenal pasti pihak yang terlibat dengan kes kecurian itu.
D Penduduk Taman Cempaka berharap agar tindakan akan diambil untuk mengatasi kes kecurian di kawasan kediaman mereka.
- 14 Pilih **ayat** yang **sama maksud** dengan ayat yang diberikan.
- Irfan mengajak Li Guan menyertai aktiviti perkhemahan di pinggir Sungai Congkak pada minggu depan.
- A "Li Guan, kamu mesti menyertai aktiviti perkhemahan di pinggir Sungai Congkak pada minggu depan," kata Irfan kepada Li Guan.
B "Li Guan, marilah sertai aktiviti perkhemahan di pinggir Sungai Congkak pada minggu depan," kata Irfan kepada Li Guan.
C "Irfan, jangan lupa untuk menyertai aktiviti perkhemahan di pinggir Sungai Congkak pada minggu depan," kata Li Guan kepada Irfan.
D "Irfan, jika kamu tidak menyertai aktiviti perkhemahan di pinggir Sungai Congkak pada minggu depan, kamu akan didenda," kata Li Guan kepada Irfan.
- Soalan 15**
Pilih **ayat** yang **betul**.
- 15 I Budak lelaki itu hampir-hampir dilanggar kereta tetapi melintas jalan.
II Alia terkejut bila diumumkan sebagai pemenang pertandingan bercerita.
III Saya benar-benar yakin bahawa Amri dan Kwan Tong tidak terlibat dalam pergaduan itu.
IV Cikgu Hishamuddin menasihati murid-muridnya supaya sentiasa menjaga kebersihan kawasan sekolah.
- A I dan II
B II dan III
C I dan IV
D III dan IV

Soalan 16 hingga 20

Baca petikan di bawah ini, kemudian jawab soalan-soalan yang berikutnya.

Tarikh 16 Mei pada setiap tahun merupakan tarikh yang amat bermakna kepada para guru di negara kita. Pada tarikh tersebut, sambutan Hari Guru diadakan secara besar-besaran di seluruh negara. Sambutan ini diadakan sebagai tanda menghormati dan menghargai jasa guru yang telah berkhidmat untuk mendidik anak bangsa.

Pelbagai acara dijalankan bersempena dengan sambutan tersebut. Pada peringkat sekolah misalnya, acara seperti persembahan pentas dan sukaneka diadakan. Semua guru serta murid terlibat untuk menjayakan acara tersebut. Acara sebegini bukan sahaja dapat menimbulkan suasana yang ceria di sekolah malahan dapat mewujudkan hubungan yang mesra.

Pada peringkat kebangsaan pula, majlis penganugerahan Guru Cemerlang diadakan. Anugerah Guru Cemerlang diberikan kepada tokoh guru yang telah banyak berjasa dalam bidang pendidikan di negara kita.

Sebenarnya, tanggungjawab guru bukan sekadar mengajar dan *mencurahkan ilmu* kepada murid-muridnya. Tugas guru lebih berat dan besar kerana guru harus bertanggungjawab terhadap kebajikan dan keselamatan murid-muridnya. Selain itu, guru harus memelihara hubungan baik dengan ibu bapa dan masyarakat setempat juga.

Oleh itu, semua pihak perlulah menghargai jasa dan pengorbanan guru. Seluruh anggota masyarakat perlu memberikan kerjasama kepada guru dalam usaha melahirkan generasi yang cemerlang dan berakhlak mulia.

- | | |
|---|--|
| <p>16 Tujuan sambutan Hari Guru diadakan adalah untuk</p> <p>A memberikan hadiah kepada guru.</p> <p>B mengenang dan menghargai bakti guru.</p> <p>C mengenal pasti dan memilih guru cemerlang.</p> <p>D mengadakan persembahan pentas yang melibatkan guru.</p> <p>17 Berdasarkan petikan, acara-acara di bawah ini diadakan bersempena dengan sambutan Hari Guru kecuali</p> <p>A jamuan.</p> <p>B sukaneka.</p> <p>C persembahan pentas.</p> <p>D majlis penganugerahan Guru Cemerlang.</p> <p>18 Pelibatan murid dan guru untuk menjayakan acara sambutan Hari Guru dapat</p> <p>A menjimatkan kos perbelanjaan.</p> <p>B meningkatkan pencapaian sekolah.</p> | <p>C menyelesaikan masalah yang dihadapi.</p> <p>D menjalinkan kemesraan antara mereka.</p> <p>19 Pilih pernyataan yang tidak benar tentang petikan.</p> <p>A Jasa dan pengorbanan para guru wajar kita hargai.</p> <p>B Tanggungjawab guru terhadap murid-murid amat besar.</p> <p>C Hanya segelintir masyarakat perlu bekerjasama dengan guru.</p> <p>D Berbagai-bagai acara yang menarik diadakan semasa sambutan Hari Guru.</p> <p>20 Rangkai kata <i>mencurahkan ilmu</i> dalam petikan bermaksud</p> <p>A memberikan ganjaran.</p> <p>B berkongsi pengalaman.</p> <p>C mendapatkan pengajaran.</p> <p>D memberikan pengetahuan.</p> |
|---|--|

BAHAGIAN A TAMAT